

古文辭類纂

六

古文辭類纂 箴銘類

揚子雲州箴十二首

無善本蓋多舛誤子雲本傳云箴莫善於虞饒作州箴藝文志以州箴列於儒家此本錄從藝文類聚別

元封五年初置刺史部十三州晉書地志以冀幽并雍徐揚荆豫益涼及朔方交趾是為十三領而田仁於天漢太始之間管刺舉三河又在十三部之外其後征和四年置司隸校尉又其後罷所領兵而使察三輔三河宏灑於是無三河刺史而有司隸是武帝時共十四部也昭帝初以河內屬冀州河東屬并州則司隸但有三輔宏農河南其後成帝罷刺史置州牧哀帝始復刺史而卒又改為州牧焉司隸之官成帝時省哀帝時復然哀帝雖復其官但屬大司空比於司直故本紀謂之正司直司隸蓋自是佐三公舉朝廷不法者而已不復如成帝以前之督部諸郡三輔也故自成帝省司隸後總為十三部其時司隸所部必分屬於豫涼二州矣但史言之不詳耳至平朔元始三年始更十二州名分界郡國所屬其州名史亦不詳獨賴子雲是箴而知之爾蓋設雍州以引禹貢所謂應經也平帝元始二年黃支國獻犀牛其交州箴內亦述及焉然則其文必平帝時作當薛王莽既改州名頗張其事蓋使人定為地理之書今漢書地理志所本者是也故地理志書戶口獨舉元始二年知其與州箴同時有也志內每郡國必曰屬某州而三輔屬河東武都隴西金城天水十餘郡獨不著所屬此其舊書必曰屬雍州也班氏以雍州乃王莽專擅時所置之名故刊除之爾其實志內某郡屬某州大抵皆莽所定而漢平帝以前郡國分屬諸州之制莽所云不應經者皆不復可詳也自是迄莽之亡皆十二部建武中興改雍州為司隸而復設涼州乃復為十三部

洋洋冀州瀉原大陸岳陽是都島夷皮服潺湲河流表以竭石三后攸降列為侯伯降周之末趙魏是宅冀土糜沸炫法如湯更盛更衰載從載衡陪臣擅命天王是替趙魏相反秦拾其弊北築長城恢夏之場漢興定制改列藩王仰覽前世厥歷孔多初安如山後崩如崖故治不忘亂安不遺危周室自怙云焉有予隳六國奮矯果絕其維牧臣司冀敢告在階

右冀州牧箴

悠悠濟河兗州之富九河既導雷夏攸處草繇木條漆絲絳漚灑既通降邱宅土成湯五徙卒都於亳盤庚北渡牧野是宅丁感雖雉祖已伊忠爰正厥事遂緒高宗厥後陵遲顛覆湯緒西伯戡黎祖伊奔走致大威命不恐不震婦言是用牝雞是晨三仁既知武果戎殷牧野之禽豈復能耽甲子之朝豈能復笑有國雖久必畏天咎有民雖長必懼人殃箕子歎厥厥居為墟牧臣司兗敢告執書

右兗州牧箴

茫茫青州海岱是極鹽鐵之地鉛松怪石羣水攸歸萊夷作牧貢篚以時莫怠莫違昔在文武封呂於齊厥土塗泥在邱之營五侯九伯是討是征馬殆其御御失其度周室荒亂小白以霸諸侯僉服復尊京師小白既沒周卒陵遲嗟茲天王附命下土失其法度喪其文武牧臣司青敢告執鉅

右青州牧箴

海岱淮東海是渚徐州之士邑于蕃字大野既瀦有羽有蒙孤桐蟻珠泗沂攸同實列蕃蔽侯衛東方民好農蠶大野以康帝癸及辛不祗不恪沈湎於酒而忘其東作天命湯武勦絕其緒祚降周任姜鎮於琅邪姜姓絕苗田氏攸都事由細微不慮不圖禍如邱山本在萌芽牧臣司徐敢告僕夫

右徐州牧箴

矯矯揚州江漢之潛彭蠡既瀦陽鳥攸處橘柚羽貝瑤琨篠簞閩越北垠沅湘攸往獷矣淮夷蠢蠢荆蠻翩彼昭王商征不旋人咸躓於堽莫躓於山咸跌於汙莫跌於川明哲不云我昭童蒙不云我昏湯武聖而師伊呂桀紂悖而誅逢干蓋邇不可不察遠不可不親靡有孝而逆父罔有義而忘君太伯遜位基吳紹穎夫差一誤太伯無祚周室不匡句踐入霸當周之隆越裳重譯春秋之末侯甸叛逆元首不可不思股肱不可不孳堯勤屢省舜盛欽謀牧臣司揚敢告執籌

右揚州牧箴

幽幽巫山在荆之陽江漢朝宗其流湯湯夏君遭逢荆衡是調雲夢塗泥包匭菁茅金玉砥礪象齒元龜貢篚百物世世以饒戰戰慄慄至桀荒溢日我在帝位若天有日不順庶國孰敢余奪亦有成湯果秉其鉞放之南巢號之以桀南巢茫茫包楚與荆風慄以悍氣銳以剛有道後服無道先彊世雖安平無敢逸豫牧臣司荆敢告執御

右荊州牧箴

郁郁荆河伊雒是經榮播臬漆惟用攸成田田相擊廬廬相距夏殷不都成周攸處豫野所居爰在鶉墟四隩咸宅寓內莫如陪臣執命不慮不圖王室陵遲喪其爪牙靡哲靡聖捐失其正方伯不維韓卒擅命文武孔純至厲作昏成康孔甯至幽作傾故有天下者毋曰我大莫或余敗毋曰我彊靡克余亡夏宅九州至於季世放于南巢成康太平除及周微帶蔽屏營屏營不起施于孫子至赧爲極實絕周祀牧臣司豫敢告柱史

右豫州牧箴

巖巖岷山古曰梁州華陽西極黑水南流茫茫洪波絲堙降陸于時八都厥民不隩禹導江沱岷瞻啓乾遠近底貢罄錯砮丹絲麻條暢有粳有稻自京徂畛民攸溫飽帝有桀紂洎沈頤僻遏絕苗民滅夏殷績爰周受命復古之常幽厲夷業破絕爲荒秦作無道三方潰叛義兵征暴遂國於漢拓開疆宇恢梁之野列爲十二光羨虞夏牧臣司梁是職是圖經營盛衰敢告士夫

右益州牧箴

墨。水。西。河。橫。截。崑。崙。嶺。指。閩。闔。畫。爲。雍。垠。上。侵。積。石。下。礙。龍。門。自。彼。氏。羌。莫。敢。不。來。庭。莫。敢。不。來。匡。每。在。季。主。常。失。厥。緒。侯。紀。不。貢。荒。侵。其。寓。陵。遲。衰。微。秦。據。以。戾。興。兵。山。東。六。國。顛。沛。上。帝。不。甯。命。漢。作。京。隴。山。以。徂。列。爲。西。荒。南。排。勁。越。北。啓。疆。胡。并。連。屬。國。一。護。攸。都。蓋。安。不。忘。危。盛。不。諱。衰。牧。臣。司。雍。敢。告。贅。衣。

右雍州牧箴

蕩蕩平川惟冀之別北陬幽都戎夏交偪伊昔唐虞實爲平陸周末薦臻迫於瀛瀛晉溺其倍周使不阻六國擅權乘趙本都東限穢陌羨及東胡疆秦北排蒙公城疆大漢初定介狄之荒元戎屢征如風之騰義兵涉漠偃我邊萌既定且康復古虞唐盛不可不圖衰不可或忘隄潰蟻穴器漏箴芒牧臣司幽敢告侍旁



右幽州牧箴

雍別朔方河水悠悠北辟疆疆南界涇流畫茲朔土正直幽方自昔何爲莫敢不來真莫敢不來王周穆遐征犬戎不享爰貊伊德侵玩上國宣王命將攘之涇北宗周罔職日用爽蹉既不俎豆又不干戈戎作難弊於驪阿太上曜德其次曜兵德兵俱顛靡不悴荒牧臣司并敢告執綱

右并州牧箴

交州荒裔水與天際越裳是南荒國之外爰是開闢不羈不絆周公攝祚白雉是獻昭王陵遲周室是亂越裳絕貢荆楚逆叛四國內侵蠶食周宗臻於季報遂入滅亡大漢受命中國兼該南海之宇聖武是恢稍稍受羈遂臻黃支杭海三萬來牽其犀盛不可不憂隆不可不懼顧瞻陵遲而忘其規摹亡國多逸豫而存國多難泉竭中虛池竭瀕乾牧臣司交敢告執憲

右交州牧箴

揚子雲酒箴○○○

子猶餅矣觀瓶之居居井之涓處高臨深動常近危酒醪不入口藏水滿懷不得左右牽於纏徽一旦東礙爲嘗所軀身提黃泉骨肉爲泥自用如此不如鴟夷鴟夷滑稽腹大如壺晝日盛酒人復借酤常爲國器託於屬車出入兩宮經營公家繇是言之酒何過乎

崔子玉座右銘○

無道人之短無說己之長施人慎勿念受施慎勿忘世譽不足慕唯仁爲紀綱隱心而後動謗議庸何傷無使名過寔守愚聖所臧在涅貴不緇曖曖內含光柔弱生之徒老氏誠剛彊行行鄙夫志悠悠故難量慎言節飲食知足勝不祥行之苟有恒久久自芬芳

張孟陽劍閣銘○

巖巖梁山積石峨峨遠屬荆衡近綴岷嶓南通邛樊北達襄斜狹過彭碣高踰嵩華惟蜀之門作固作鎮是日劍閣壁立千仞窮地之險極路之峻世濁則逆道清斯順閉由徃漢開自有晉秦得百二并吞諸侯齊得十二田生獻籌矧茲狹隘士之外區一人荷載萬夫趨赴形勝之地匪親勿居昔在武侯中流而喜山河之固見屈吳起興實在德險亦難恃洞庭孟門二國不祀自古迄今天命匪易憑阻作昏鮮不敗績公孫旣滅劉氏銜璧覆車之軌無或重跡勒銘山阿敢告梁益

退之五箴并序○○○

人患不知其過既知之不能改是無勇也余生三十有八年髮之短者日益白齒之搖者日益脫聰明不及於前時道德日負於初心其不至於君子而卒爲小人也昭昭矣作五箴以訟其惡云

游箴

余少之時將求多能蚤夜以孜孜余今之時既飽而嬉蚤夜以無爲嗚呼余乎其無知乎君子之棄而小人之歸乎

言箴

不知言之人烏可與言知言之人默焉而其意已傳幕中之辯人反以汝爲叛臺中之評人反以汝爲傾汝不懲邪而啾啾以害其生邪

行箴

行與義乖言與法違後雖無害汝可以悔行也無邪言也無顛死而不死汝悔而何宜悔而休汝惡曷瘳宜休而悔汝善安在悔不可追悔不可爲思而斯得汝則弗思

好惡箴

無善而好不觀其道無悖而惡不詳其故前之所好今見其尤從也爲比捨也爲讐前之所惡今見其臧從也爲愧捨也爲狂維讐維比維狂維愧於身不祥於德不義不祥維惡之大幾如是爲而不顛沛齒之尙少庸有不思今其老矣不慎胡爲

知名箴

內不足者急於人知露焉有餘厥聞四馳今日告汝知名之法勿病無聞病其瞠瞠昔者子路惟恐有聞赫然千載德譽愈尊矜汝文章負汝言語乘人不能揜以自取汝非其父汝非其師不請而教誰云不欺欺以賈憎揜以媒怨汝曾不寤以及於難小人在辱亦克知悔及其既寧終莫能戒既出汝心又銘汝前汝如不顧禍亦宜然李習之行已箴○

人之愛我我度於義義則爲朋否則爲利人之惡我我思其由過寧不改否又何仇仇實生怨利實害德我如不思乃陷於惑內省不足愧形於顏中心無佞曷畏多言唯咎在躬若市於戮慢謹自它匪汝之辱昔者君子惟禮是持自小及大曷莫從斯苟遠於此其何不爲事之在人味者亦知遷焉及已則莫之思造次不戒禍焉可期書之在側以爲我師

張子西銘○○○

乾稱父坤稱母子茲藐焉乃混然中處故天地之塞吾其體天地之帥吾其性民吾同胞物吾與也大君者吾父母宗子其大臣宗子之家相也尊高年所以長其長慈孤弱所以幼其幼聖其合德賢其秀也凡天下疲癯殘疾惇獨鰥寡皆吾兄弟之顛連而無告者也子時保之子之翼也樂且不憂純乎孝者也違曰悖德害仁曰賊濟惡者不才其踐形惟肖者也知化則善述其事窮神則善繼其志其不愧屋漏爲無忝存心養性爲匪懈惡旨酒崇

伯子之顧養育英才穎封人之錫類不弛勞至底豫舜其功也無所逃而待烹申生其蒸也體其受而歸全者參乎勇於從而順令者伯奇也富貴福澤將厚吾之生也貧賤憂戚庸玉女於成也存吾順事歿吾寧也

蘇子瞻徐州蓮華漏銘○

故龍圖閣直學士禮部侍郎燕公肅以創物之智聞於天下作蓮華漏世服其精凡公所臨必爲之今州郡往往而在雖有巧者莫敢損益而徐州獨用瞿人衛朴所造廢法而任意有壺而無箭自以無目而廢天下之視使守者伺其滿則決之而更注人莫不笑之國子博士傅君祿公之外曾孫得其法爲詳其通守是邦也實改作而請銘於軾銘曰

人之所信者手足耳目也目識多寡手知重輕然人未有以手量而目計者必付之於度量與權衡豈不自信而信物蓋以爲無意無我然後得萬物之情故天地之寒暑日月之晦明崑崙旁薄於二十八萬七千里之外而不能逃於三尺之箭五斗之餅雖疾雷霾風雨雪晝晦而遲速有度不加虧贏使凡爲吏者如餅之受水不過其量如水之浮箭不失其平如箭之升降也視時之上下降不爲辱升不爲榮則民將靡然而心服而寄我以死生

蘇子瞻九成臺銘○

韶陽太守狄咸新作九成臺玉局散吏蘇軾爲之銘曰自秦并天下滅禮樂韶之不作蓋千三百二十有三年其器存其人亡則韶旣已隱矣而況於人器兩亡而不傳雖然韶則亡矣而有不亡者存蓋常與日月寒暑晦明風雨並行乎天地之間世無南郭子綦則耳未嘗聞地籟也而況得聞天籟使耳聞天籟則凡有形有聲者皆吾羽旄干戚管磬匏絃營試與子登夫韶石之上舜峯之下望蒼梧之渺莽九疑之聯緜覽觀出川之吐吞草木之俯仰鳥獸之鳴號衆竅之呼吸往來唱和非有度數而均節自成者非韶之大全乎上方立極以安天下人和而氣應氣應而樂作則夫所謂簫韶九成來鳳皇而舞百獸者旣已粲然畢陳於前矣





古文辭類纂 頌贊類

揚子雲趙充國頌○

明靈惟宣戎有先零先零猖狂侵漢西疆漢命虎臣惟後將軍整我六師是討是震既臨其域喻以威德有守於功謂之弗克請奮其旅於罕之羌天子命我從之鮮陽營平守節屢奏封章料敵制勝威謀摩亢遂克西戎還師於京鬼方賓服罔有不庭昔周之宣有方有虎詩人歌功乃列於雅在漢中興充國作武赳赳桓桓亦紹厥後  
袁宏三國名臣序贊○

夫百姓不能自治故立君以治之明君不能獨治則爲臣以佐之然則三五迭隆歷世承基揖讓之與干戈文德之與武功莫不宗匠陶鈞而羣才緝熙元首經畧而股肱肆力雖遭離不同且跡有優劣至於體分冥固道契不墜風美所扇訓革千載其揆一也故二八升而唐朝盛伊呂用而湯武寧三賢進而小白與五臣顯而重耳霸中古陵邁斯道替矣居上者不以至公理物爲下者必以私路期榮御圓者不以信誠率衆執方者必以權謀自顯於是君臣離而名教薄世多亂而時不治故蘧寧以之卷舒柳下以之三黜接輿以之行歌魯連以之赴海衰世之中保持明節君臣相體若合符契則燕昭樂毅古之流也夫未遇伯樂則千載無一驥時值龍顏則當年控三傑漢之得才於斯爲貴高祖雖不以道勝御物羣下得盡其忠蕭曹雖不以三代事主百姓不失其業靜亂庇人抑亦其次夫時方顛沛則顯不如隱萬物思治則默不如語是以古之君子不患宏道難遭時難遭時不難遇君難故有道無時孟子所以咨嗟有時無君賈生所以垂泣夫萬歲一期有生之通塗千載一遇賢智之嘉會遇之不能無欣喪之何能無慨古人之言信有情哉余以暇日嘗覽國志考其君臣比其行事雖道謝先代亦異世一時也文若懷獨見之明而有救世之心論時則民方塗炭計能則莫出魏武故委面霸朝豫議世事舉才不以標鑒故久之而後顯籌畫不以要功故事至而後定雖亡身明順識亦高矣董卓之亂神器遷偃公達慨然志在致

命由斯而談故以大存名節至如身爲漢隸而跡入魏幕源流趣舍其亦文若之謂所以存亡殊致始終不同將以文若既明名教有寄乎夫仁義不可不明則時宗舉其致生理不可不全故達識攝其契和與宏道豈不遠哉崔生高朗折而不撓所以策名魏武執笏霸朝者蓋以漢主當陽魏后北面者哉若乃一日進璽君臣易位則崔子所不與魏武所不容夫江湖所以濟舟亦所以覆舟仁義所以全身亦所以亡身然而先賢玉擢於前來哲撰袂於後豈非天懷發中而名教束物者乎孔明盤桓俟時而動退想管樂遠明風流治國以禮民無怨聲刑罰不濫沒有餘泣雖古之遺愛何以加茲及其臨終顧託受遺作相劉后授之無疑心武侯處之無懼色繼體納之無貳情百姓信之無異辭君臣之際良可詠矣公瑾卓爾逸志不羣總角料主則素契於伯符晚節矚奇則參分於赤壁惜其齡促志未可量子布佐策致延譽之美輟哭止哀有翼戴之功神情所涉豈徒蹇愕而已哉然而杜門不用登壇受譏夫一人之身所照未異而用舍之間俄有不同况沈跡溝壑遇與不遇者乎夫詩頌之作有自來矣或以吟詠情性或以述德顯功雖大旨同歸所託或乖若夫出處有道名體不滯風軌德音爲世作範不可廢也故復撰序所懷以爲之贊云

火德旣微運纏大過洪飈扇海二溟揚波虬虎雖驚風雲未和潛魚擇淵高鳥侯柯赫赫三雄並迴乾軸競收杞梓爭采松竹鳳不及栖龍不暇伏谷無幽蘭嶺無亭菊英英文若靈鑿洞照應變知微探蹟賞要日月在躬隱之彌曜文明映心鑽之愈妙滄海橫流玉石俱碎達人兼善廢已存愛謀解時紛功濟宇內始救生人終明風槩公達潛朗思同著蔡運用無方動攝羣會爰初發跡遣此顛沛神情元定虛之彌泰悵悵暮算無不經壘壘通韻跡不蹙停雖懷尺璧顧晒連城知能拯物愚足全生郎中溫雅器識純素貞而不亮通而能固恂恂德心汪汪軌度志成弱冠道敷歲暮仁者必勇德亦有言雖遇履虎神氣恬然行不修飾名節無愆操不激切素風愈鮮邈哉崔生體正心直天骨疏朗牆宇高巋忠存軌跡義形風色思樹芳蘭翦除荆棘人惡其上時不容哲琅琅先生雅

仗名節雖遇塵霧猶震霜雪運極道消碎此明月景山恢誕韻與道合形器不存方寸海納和而不同通而不雜  
遇醉忘辭在醒貽蒼長文通雅義格終始思戴元首擬伊同恥民未知德懼若在已嘉謀肆庭讜言盈耳玉生雖  
麗光不踰把德積雖微道映天下淵哉泰初字量高雅器範自然標準無假身全由直跡滂必僞處死非難理存  
則易萬物波蕩孰任其累六合徒廣容身靡寄君親自然匪由名教敬愛既同情理兼到烈烈王生知死不撓求  
仁不遠期在忠孝元伯剛簡大存名體志在高構增堂及陸端委虎門正言彌啓臨危致命盡其心禮堂孔明  
基字宏邈器同生民獨稟先覺標榜風流遠明管樂初九龍盤雅志彌確百六道喪干戈迭用苟非命世孰掃  
雲宗子思霄薄言解控釋褐中林鬱爲時棟士元宏長雅性內融崇善愛物觀始知終裏亂備矣勝塗未隆先生  
標之振起清風綢繆哲后無妄惟時夙夜匪懈義在緝熙三畧旣陳霸業已基公瓊殖根不忘中正豈曰摸擬實  
在雅性亦旣羈勒負荷時命推賢恭已久而可敬公衡冲達秉心淵塞媚茲一人臨難不惑疇昔不造假翻鄰國  
進能徽音退不失德六合紛紜民心將變鳥擇高梧臣須顧眄公瑾英達朗心獨見披草求君定交一面桓桓魏  
武外託霸迹志掩衡霍恃戰忘敵卓卓若人曜奇赤壁三光參分宇宙暫隔子布擅名遭世方擾撫翼桑梓息肩  
江表王零威夷吳魏同寶遂獻宏謨匡此霸道桓王之薨大業未純把臂託孤惟賢與親輟哭止哀臨難忘身成  
此南面實由老臣才爲世出世亦須才得而能任貴在無猜昂昂子敬拔跡草萊荷擔吐奇乃構雲臺子瑜都長  
體性純懿諫而不犯正而不殺將命公庭退忘私位豈無鵠鶴固慎名器伯言蹇蹇以道佐世出能勤功入能獻  
替謀甯社稷解紛挫銳正以招疑忠而獲戾元嘆穆遠神和形檢如彼白圭質無塵玷立行以恒匡上以漸清不  
增絜濁不加染仲翔高亮性不和物好是不羣折而不屈屢摧逆鱗直道受黜嘆過孫陽放同賈屈詭譎衆賢千  
載一遇整轡高衢驥首天路仰挹元流俯宏時務名節殊塗雅志同趣日月麗天瞻之不墜仁義在躬用之不匱  
尙想遐風載挹載味後生擊節懦夫增氣



韓退之子產不毀鄉校頌。

我思古人伊鄭之僑以禮相國人未安其教游於鄉之校衆口囂囂或謂子產毀鄉校則止曰何患焉可以成美夫豈多言亦各其志善也吾行不善吾避維善維否我於此視川不可防言不可弭下塞上聾邪其傾矣旣鄉校不毀而鄭國以理在周之興養老乞言及其已衰謗者使監成敗之迹昭哉可觀維是子產執政之式惟其不遇化止一國誠率是道相天下君交暢効達施及無垠於乎四海所以不理有君無臣誰其嗣之我思古人柳子厚伊尹五就桀贊。

伊尹五就桀或疑曰湯之仁聞且見矣桀之不仁聞且見矣夫胡去就之亟也柳子曰惡是吾所以見伊尹之大者也彼伊尹聖人也聖人出乎天下不夏商其心平生民而已曰孰能由吾言由吾言者爲堯舜而吾生人堯舜人矣退而思曰湯誠仁其功遲桀誠不仁朝吾從而暮及於天下可也於是就桀桀果不可得反而從湯旣而又思曰尙可什一乎使斯人蚤被其澤也又往就桀桀不可而又從湯以至於百一千一萬一卒不可乃相湯伐桀俾湯爲堯舜而人爲堯舜之人是吾所以見伊尹之大者也仁至於湯矣四去之不仁至於桀矣五就之大人之欲速其功如此不然湯桀之辨一恒人盡之矣又奚以憧憧聖人之足觀乎吾觀聖人之急生人莫若伊尹伊尹之大莫若於五就桀作伊尹五就桀贊

聖有伊尹思德於民往歸湯之仁曰仁則仁矣非久不親退思其速之道宜夏是因就焉不可復反毫殷猶不忍其遲亟往以觀庶狂作聖一日勝殘至千萬冀一卒無其端五往不疲其心乃安遂升自陲黜桀尊湯遺民以完大人無形與道爲偶道之爲大爲人父母大矣伊尹惟聖之首旣得其仁猶病其久恒人所疑戕之所大嗚呼遠哉志以爲誨

蘇子瞻韓幹畫馬贊。

韓幹之馬四其一在陸驥首奮鬣若有所望頓足而長鳴其一欲涉尻高首下擇所由濟蹠踣而未成其二在水前者反顧若以鼻語學者不應欲飲而留行以爲廐馬也則前無羈絡後無箠策以爲野馬也則隅目聳耳豐臆細毛皆中度程蕭然如賢大夫貴公子相與解帶脫帽臨水而濯纓遂欲高舉遠引友麋鹿而終天年則不可得矣蓋優哉游哉聊以卒歲而無營

蘇子瞻文與可飛白贊○

嗚呼哀哉與可豈其多好好奇也歟抑其不試故藝也始予見其詩與文又得見其行草篆隸也以爲止此矣既沒一年而復見其飛白美哉多乎其盡萬物之態也霏霏乎其若輕雲之蔽月翻翻乎其若長風之卷旆也猗猗乎其若流絲之縈柳絮颺颺乎其若流水之舞荇帶也離離乎其遠而相屬縮縮乎其近而不隘也其工至於如此而余乃今知之則余之知與可者固無幾而其所不知者蓋不可勝計也嗚呼哀哉



古文辭類纂 辭賦類一

淳于髡說齊威王○○

威王八年楚大發兵加齊齊王使淳于髡之趙請救兵齎金百斤車馬十駟淳于髡仰天大笑冠纓索絕王曰先生少之乎髡曰何敢王曰笑豈有說乎髡曰今者臣從東方來見道旁有禳田者操一豚蹄酒一孟祝曰甌窶滿篝汙邪滿車五穀蕃孰穰穰滿家臣見其所持者狹而所欲者奢故笑之於是齊威王乃益齎黃金千鎰白璧十雙車馬百駟髡辭而行至趙趙王與之精兵十萬車馬千乘楚聞之夜引兵而去威王大說置酒後宮召髡賜之酒問曰先生能飲幾何而醉髡對曰臣飲一斗亦醉一石亦醉威王曰先生飲一斗而醉惡能飲一石哉其說可得聞乎髡曰賜酒大王之前執法在旁御史在後髡恐懼俯伏而飲不過一斗徑醉矣若親有嚴客髡筮鞞鞠臆侍酒於前時賜餘瀝奉觴上壽數起飲不過二斗徑醉矣若朋友交游久不相見卒然相覩歡然道故私情相語飲可五六斗徑醉矣若乃州閭之會男女雜坐行酒稽留六博投壺相引爲曹握手無罰目眙不禁前有墜珥後有遺簪髡竊樂此飲可八斗而醉二參日莫酒闌合尊促坐男女同席履舄交錯杯盤狼籍堂上滅燭主人留髡而送客羅襦襟解微聞薤澤當此之時髡心最歡能飲一石故曰酒極則亂樂極則悲萬事盡然言不可極極之而衰以諷諫焉齊王曰善乃罷長夜之飲以髡爲諸侯主客宗室置酒髡嘗在側

屈原離騷○○○

帝高陽之苗裔兮朕皇考曰伯庸攝提貞於孟陬兮惟庚寅吾以降皇覽揆余於初度兮肇錫余以嘉名名余曰正則兮字余曰靈均紛吾既有此內美兮又重之以修能扈江離與辟芷兮紉秋蘭以爲佩汨余若將不及兮恐年歲之不吾與朝搴阼之木蘭兮夕攬洲之宿莽日月忽其不淹兮春與秋其代序惟草木之零落兮恐美人之遲暮不撫壯而棄穢兮何不改乎此度也乘騏驎以馳騁兮來吾導夫先路昔三后之純粹兮固衆芳之所在離



申椒與菌桂兮豈惟紉夫蕙萑彼堯舜之耿介兮既遵道而得路何桀紂之昌披兮夫惟捷徑以窘步惟黨人之偷樂兮路幽昧以險隘豈余身之憚殃兮恐皇輿之敗績忽奔走以先後兮及前王之踵武荃不察余之中情兮反信讒而齎怒余固知謗譽之爲患兮忍而不能舍也指九天以爲正兮夫惟靈修之故也初既與余成言兮後悔遁而有佗余既不難夫別離兮傷靈修之數化余既滋蘭之九畹兮又樹蕙之百畝哇雷夷與揭車兮雜杜蘅與芳芷冀枝葉之峻茂兮願埃時乎吾將刈雖萎絕其亦何傷兮哀衆芳之蕪穢君見疑而不改衆皆競進以貪婪兮憑不厭乎求索羌內恕己以量人兮各興心而嫉妒忽馳騫以追逐兮非余心之所急老冉冉其將至兮恐修名之不立朝飲木蘭之墜露兮夕餐秋菊之落英苟余情其信姱以練要兮長顧領亦何傷擘木根以結莖兮貫薜荔之落葉矯菌桂以紉蕙兮索胡繩之纏纏寒音法夫前修兮非時俗之所服雖不周於今之人兮願依彭咸之遺則長太息以掩涕兮哀人生之多艱疑誤倒蓋沛與齊爲韻余雖好修姱以鞿羈兮謇朝諝而夕替既替余以蕙纒兮

又申之以攬茝亦余心之所善兮雖九死其猶未悔怨靈修之浩蕩兮終不察夫人心衆女嫉余之蛾眉兮謠詠謂余以善淫固時俗之工巧兮偃規矩而改錯背繩墨以迫曲兮競周容以爲度怵鬱悒余佗僚兮吾獨窮困乎此時也寧溘死以流亡兮余不忍爲此態也鸞鳥之不羣兮自前世而固然何方圓之能周兮夫孰異道而相安屈心而抑志兮忍尤而攘詬伏清白以死直兮固前聖之所厚以上言說人之害而將擠於死悔相道之不察兮延佇乎吾將反迴朕車以復路兮及行迷之未遠步余馬於蘭皋兮馳椒邱且焉止息進不入以離尤兮退將復修吾初服制芰荷以爲衣兮集芙蓉以爲裳不吾知其亦已兮苟余情其信芳高余冠之岌岌兮長余佩之陸離芳與澤其雜糅兮唯昭質其猶未虧忽反顧以游目兮將往觀乎四荒佩繽紛其繁飾兮芳菲菲其彌章言吾挾此德美將適四方乎若居楚國芳非飄章安能使人人生各有所樂兮余獨好修以爲常常當作恒雖體解吾猶未變兮豈予心之可懲以上言欲退隱而不之不思乎云棄由聯之所珍者屈子於此已解其難曰鮫婞直以亡身兮終然天乎羽之野汝何女嬃之婞媛兮申申其詈予此段即離父篇之義又楊子雲反離騷所